



## KOMUNIKADO PA PRENSA

*Fecha*

19 di mart 2015

*Account Manager*

Jhanirha Da Costa Gomez-Anita

*Email*

[jhanirha.anita@gobiernu.cw](mailto:jhanirha.anita@gobiernu.cw)

### TRABOUNAN NA TERA KÒRÁ TA KUMINSÁ DJALUNA AWOR

**Willemstad** - Servisio pa Obra Públiko (OW) ta informá komunidad ku **djaluna awor 23 di mart 2015** ta bai kuminsá ku trabounan di rekonstrukshon riba Weg naar Westpunt na altura di Tera Kòrá, manera ya anunsiá. Esaki ta bini despues di a reuní i informá habitantenan i komersiantenan debidamente ayera durante un seshon di informashon.

E trabounan ta enserá entre otro:

- alsa seguridat di tráfiko den e áreanan mas denso pobla i kaminda tin hopi negoshi riba e kaminda,
- krea espasio pa peaton por kana,
- traha algun krusada elevá,
- separashon físiko riba e kaminda,
- drecha iluminashon públiko,
- asfaltá e kaminda di nobo.

Curaçaose Wegenbouw Maatschappij (CWM) lo ta kontratista na enkargo di e trabounan i lo tin un durashon di mas o ménos 8 luna.

Durante ehekushon di e trabounan lo desviá e tráfiko i outomobilistanan lo por hasi uso di rutan alternativo ku lo indiká pa medionan di barinan oraño. Tambe lo tin bòrchinan di indikashon i señalnan pa mustra e kambionan nesenario.

OW, departamentu tékniko di polis i e kontratista CWM ta pidi tur outomobilista pa tene debido kuenta ku e kambionan i kore ku koutela. Tambe ta spera kompreshon i ta gradisí di antemano pe koperashon.

Di e forma aki, Ministerio di Tráfiko, Transporte i Planifikashon Urbano ta sigui ku e trabounan pa adelanto di Kòrsou.